



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Cùm Gregorius VII. primatum Lugdunensi Ecclesiæ concessisset super quatuor provincias Lugdunenses, Gebuinus impatienter tulit legationem apostolicæ sedis Amato concessam esse in tertia ...

urn:nbn:de:hbz:466:1-15617

Dei, omnibus Archiepiscopis, Episcopis, Abbatibus, Regibus, Principibus, Clericis quoque, ac laicis, in Narbonensi, Gallia, Gasconia, Hispaniaque regione, salutem & apostolicam benedictionem. Dilectissimi fratres & filii, prudentia vestre manifestissimè notum est quod Romana Ecclesia hanc confuetudinem habuit ab ipsis sua foundationis primordiis, ut ad omnes partes, que Christiane religionis titulo praeontantur, suos Legatos mitteret; quatinus ea que gubernator & rector ejusdem Romanae Ecclesie per suam presentiam expedire non prevaleat, vice sua Legatis concessa, monita salutis ac morum honestatem per eos cunctis per orbem terrarum constitutis Ecclesiis nunciareret, easque apostolica doctrina in omnibus que sacre religioni convenienter diligenter instrueret. Proinde horum presentium portiorem, venerabilem confratrem nostrum A. Episcopum, ad partes vestras dirigimus: ut que ibi virtutia eradicanda sunt, à fundamento evulsi, plantaria virutum Deo auctore sollertia vigilantis plantare procuret. Quem sicut nostram immo beati Petri presentiam vos suscipere apostolica auctoritate jubemus; ac sic pro reverentia apostolica sedis, cuius nuncius est, vos in omnibus sibi obediens atque cum audire mandamus ut propriam faciem nostram seu nostre vive vocis oracula. Scriptum est enim: Qui vos audit, me audit. Agite itaque prudenter ac religiosè; & sic vos obedientes Deo & sancto Petro in omnibus exhibete, quatinus ipso Apostolorum principe interveniente, utriusque vite gloriam & felicitatem consequi mereamini.

I X. De legatione Amati multa eruditè pro more suo adnotavit Illusterrimus Archiepiscopus in historia Benearensi, ac post eum alij. Sed tamen nos quoque nonnulla adferemus non ingrata, opinor, futura viris eruditis & antiquitatis ecclesiastice studiofis. Anno M L X X I X. Gregorius VII. pri-matum Gebuino Lugdunensi Archiepiscopo concesserat super quatuor provincias Lugdunenses, hoc est, Lugdunensem propriè dictam, Rotomagensem, Turonensem, & Senonensem. quod Decretum statim amplexus est Archiepiscopus Turonensis, ejusque suffraganei. Inde altos spiritus induit Gebuinus, quod ingens accessio facta esset dignitati sua. Itaque cum inaudivisset concessam Amato esse legationem in provincia Turonensi, impatienter id tulit, quod ex eo imminui agnosceret auctoritatem suam. Quare Rodulfum Archiepiscopum Turonensem & Eusebium Andegavensem Episcopum verbis ambiguis hortatus est ne parentur Amatum in ea provincia uti auctoritate Legati. Quia tamen intelligebat validum hinc telum peti posse adversus novam dignitatem Ecclesiae Lugdunensis, si Ro-

manorum Pontificum rescriptis privata audentia occurreret, sic temperat scriptiōnem suam, ut profiteatur habiturum se illum pro Legato, postquam sibi confiterit de legatione ejus, nolle enim se *jussionibus apostolicis* contrarie. Extat enim ea de re, ut dixi, Gebuini ad eosdem Archiepiscopum & Episcopum epistola in vetusto codice MS. Sancti Albini Andegavensis, digna profectò quæ manibus eruditorum hominum teratur. Sic autem habet.

*Dilectissimis in Christo fratribus, Rodulfo venerabili Turonensi Archiepiscopo, suo carissimo, & Andegavensi Episcopo Eusebii, Gebuinus indignus Presbyter Lugdunensis Ecclesie, in Domino salutem. Cum dilectionis & caritatis vestre, quam quotidie erga Lugdunensem Ecclesiam exhibetis, reminiscor, in exequendis obsequiis vestris ultra vires est animus, sic quid dignè meritis vestris referri debeat non habemus. Ergout carissimis, & preccordiorum nostrorum intimis, vobis convenientis nostrum aperimus. Credo quod jam pervenit ad aures vestras quām benignè Papa nos suscepit, quanto affectu familiaribus commendaverit; & cū de multis adiuvicem haberemus sermonem, nullam tamennobis de Domino Amato fecit mentionem. Ut pius pater, cū de multis merito nos corriperet, non tamen ammisce quin apostolica auctoritate Lugdunensi Ecclesie antiquam nobilitatem restauaret; & in tantum in retractando privilegio nostro studuit, ut cū in diversa responsa dies non sufficeret, ipse etiam dictando plurimum nocte laboraret. Precepitque nobis ut Dieni Episcopo infidelitate Beati Petri & in omnibus ferrem auxilium, si quando in provinciis nobis commissis celebraret Concilium. Vnde non satis mirum Domnum Amatum hujuscemodi rem egisse; cū neque Pape neque ipsius literas acceperim, neque legationis ejus certa signa cognoverim. Audivi tamen illum suscepisse legationem vestre provinciae antè quam Roman pergerem. Quod si est, consilio vestro nobis opus est: quia nec Lugdunensis Ecclesie dignitatem volo minuere, nec *jussionibus apostolicis* contraire. Et, si fieri potest, quid de his sentiat, ad presens scribere ne differatis. Valete.*

X. Eadem emulatio exercuit Hugonem Archiepiscopum Lugdunensem, Gebuini successorem, ac sedis apostolica Legatum, virum, ut patet ex epistola l. x. Iovis Carnotensis, acrem & vehementem in retinenda dignitate sua: qui ut oblique infringere auctoritatem Amati in tertia Lugdunensi, eodem tempore Turonensem Archiepiscopum ad se evocavit quo eum Armatus ad synodus invitaverat; ut patet ex epistola Rodolfi Turonensis Archiepiscopi ad A. suffraganeum suum, quæ nondum edita est. Quo